

KANTON SARAJEVO**SKUPŠTINA KANTONA SARAJEVO****NAROD I PRAVDA****Danijela Kristić, zastupnica****MINISTARSTVO KOMUNALNE PRIVREDE, INFRASTRUKTURE, PROSTORNOG UREĐENJA, GRAĐENJA I
ZAŠTITE OKOLIŠA**

n/r ministar Enver Hadžiahmetović

PREDMET: ZASTUPNIČKO PITANJE

U odgovoru na zastupničko pitanje akt broj **05/03-19-22801-201/21** od **27.09.2021.** godine od strane Vašeg ministarstva stoji: *“ da je Agencija za zaštitu ličnih/osobnih podataka u Bosni i Hercegovini izdala Mišljenje broj: 03-1-02-718-2/21 ZL od 07.09.2021. godine u kojem je navedeno da davanje osobnih podataka predstavlja jednu od radnji obrade osobnih podataka, a kontrolor može dati osobne podatke trećoj strani ukoliko ista ima pravni osnov da dobije i dalje obraduje osobne podatke koje traži. U ovisnosti od utvrđenog činjeničnog stanja, odnosno od ispunjenja naprijed navedenog, obaveza Ministarstva je da donese odluku da ii će zastupniku Skupštine Kantona Sarajevo dostaviti zapisnik o odlučivanju etažnih vlasnika, godišnji izvještaj o upravljanju i održavanju, te ugovor zaključen između etažnih vlasnika i upravnika.*

Takoder, u Mišljenju se navodi da ukoliko Ministarstvo po ispunjenju gore navedenog pravnog osnova donese odluku da zastupniku Skupštine Kantona Sarajevo dostavi traženu

dokumentaciju, na web stranici Skupštine Kantona Sarajevo ne smiju biti objavljeni osobni podaci etažnih vlasnika. To znači da javnosti ne smiju biti dostupni ime i prezime etažnog vlasnika, oznaka i korisna površina njegovog posebnog dijela, broj njegove osobne iskaznice, potpis etažnog vlasnika, uplate etažnog vlasnika, eventualna dugovanja i sl.”

Ljubazno Vas podsjećam da je do sada od strane Sektora za upravljanje, realizaciju projekata i nadzor u stambenoj oblasti uredno meni i mojim kolegama zastupnicima dostavljao potpuno iste tražene podatke.

Kao zastupnici mi uopće ne predstavlja problem da se traženi sadržaji ne objavljuju na web stranici Skupštine Kantona Sarajevo, ali tražim od Vas i Vašeg ministarstva da donesete odluku da se ovi podaci dostavljaju izabranim zastupnicima u Skupštini Kantona Sarajevo kao predstavnicima građana, koji nas mole da učestvujemo u nadzoru nad radom upravnika, ali i nadzoru rada državnih službenika u Sektoru za upravljanje, realizaciju projekata i nadzor u stambenoj oblasti. Moram napomenuti da smo do sada otkrili na stotine slučajeva protuzakonitog postupanja upravnika pri čemu su nam gore pomenuti podaci itekako pomogli, stoga to smatram javnim interesom u smislu člana 5. Zakona o slobodi pristupa informacijama FBiH, iako se ovaj zakon direktno ne odnosi na zastupnike Skupštine KS.

Napominjem ponovo, kako sam zajedno sa ostalim kolegama zastupnicima dobijala ovakve informacije o provedenim nadzorima sa podacima iz nadzora i drugim informacijama, pa se postavlja pitanje promjene prakse. Molim da me se kao zastupnicu i predstavnicu građana u zakonodavnom tijelu ne dovede u situaciju da ne mogu dobiti tražene podatke i na taj način kontrolisati rad upravnika u ime građana, kao i postupanje državnih službenika u datim nadzorima, jer na kraju kao zastupnica razmatram i godišnje izvještaje rada Ministarstva u okviru izvještaja rada Vlade Kantona Sarajevo.

Prema Zakonu o zaštiti tajnih podataka BiH kao zastupnica kantonalnog zakonodavnog tijela imam pravo na podatke koje se odnose čak na **javnu sigurnost, odbranu, vanjske poslove i to bez prethodne saglasnosti, provjere i dozvole**, stoga me čudi da ne mogu imati pristup podacima iz jednog nadzora, te molim da mi se ove informacije ne uskraćuju.

Sarajevo 18.10.2021.godine

Zastupnica u Skupštini KS

Danijela Kristić